

SCRIPT OF MORNING GOJRI NEWS BULLETIN 26MAR 2025 1015HRS

مارننگ گوجری نیوز بولیٹن 26 مارچ 2025

یوہ آکاشوانی جموں ہے محمد اکرم تیں خبر سُنو۔

J&K ASSEMBLY

جموں کشمیر قانون ساز اسمبلی نے گزشتہ دو تخصیصی بلاں نانہ منظور کیو ہے جس نال مالی سال ۲ ہزار ۵۲، ۴۲ تے ۲ ہزار ۵۲، ۶۲ واسطے مرکز گے زیر انتظام جموں کشمیر توں مجموعی سرمایہ گی رقومات واپس کرن گی اجازت دے گی۔ واضح رہے مالی سال ۲ ہزار ۴۲ خاطر تخصیص بل سال ۲ ہزار ۵۲ تے ۲ ہزار ۵۲، ۶۲ واسطے تخصیص بل سال ۲ ہزار ۵۲ دواں بلاں نانہ وزیر اعلیٰ عمر عبداللہ نے پیش کیو تھو جن گے کول خزانہ بارے پورٹ فولیو بھی ہے دواں بلاں نانہ اُن گی پیش کش گے بعد صوتی ووٹ نال منظور کرلیو گیو ہے اس توں علاوہ اسمبلی نے جموں کشمیر اشاعہ تے خدمات ٹیکس ترمیمی بل ۲ ہزار ۵۲ نانہ وی صوتی ووٹاں نال منظوری دتی گئی ہے تے اس بل نانہ وزیر اعلیٰ نے اس مقصد نال پیش کیو تھو جے جموں کشمیر گا جی ایس ٹی ایکٹ نانہ مرکز گا گڈز ایکٹ ۲ ہزار ۷۹ مانہ کی گئی حالیہ ترمیم گے نال ہم آہنگ کیو جے۔

CHIEF SECRETARY

چیف سیکرٹری اٹل ڈلو نے گزشتہ روز پی ایم سوریہ گھر مفت بجلی یوجنا گی یو ٹی سطح کوادڑی نیشن کمیٹی گی میٹنگ گی صدارت کی انہاں نے اس بڑی سکیم گے تحت عوام نانہ دیتا جان آلا فوائیداں گی خاطر زیادہ توں زیادہ استعمال واسطے بیداری پیدا کرن ور زور دتو چیف سیکرٹری نے اس دوران دواں ڈسکامز ور زور پایو جے وے اپنا زمینی سطح گا عملی نانہ عام لوکاں مانہ بیداری پیدا کرن واسطے زمہ دار بناوین انہاں نے اُنانہ یو وی مشورو دیتو کہ وے رجسٹرڈ صارفین گی حوصلہ افزائی کریں کہ وے معائیداں گے بعد ادائیگی کریں تے اپنا منتخب دکاندار گے زریعے روف ٹاپ سولر پلانٹ لان مانہ اُن گی مدد کریں انہاں نے کہی وجے وے کامیابی گی ان تمام کہانیاں نانہ عام کریں جت لوک بجلی گا بلاں نانہ کافی صد تک کھٹ کرن مانہ کامیاب رہیا ہیں انہاں نے کہی وجے صارفین گی طرفوں درکواست حاصل کرن توں بعد انتظار کی مدت نانہ کھٹ کرن تے اُنکا خاتاں مانہ سبسڈی گی تیزی نال تقسیم ور زور پایو۔

MRI MACHINE

بھارت نے اپنی پہلی دیسی ایم آر وئی مشین تیار کرلی ہے جھیڑی اکتوبر توڑی ایمز نوی دہلی مانہ ہاڑماتش واسطے نصب کی جے گی اس قدم گو مقصد علاج غا اخراجات نانہ کم کرنو تے درآمد شدہ طبی آلات پر انحصار کم کرنو ہے کیونجے فی الحال ۰۸ توں ۵۸ فی صد طبی سامان در آمد کیو جے۔ دیشی ایم آر آئی مشین تیں بھارت نانہ طبی ٹیکنالوجی مانہ خودکفیل بنن مانہ مدد ملے گی ایمز نوی دہلی غا ڈائریکٹر ایم شریواس نے کہی وکہ یوہ قدم مختلف

کمپنیاں تے اداراں نانہ ضروری تبدیلیاں کرن مانہ مدد دے گو تانجے بھارت غے کول دنیا
غو بہترین طبی سامان وے۔

CM DAILY WAGERS

وزیر اعلیٰ عمر عبداللہ نے احتجاج کر رہیا پی ایچ ای تہاڑی دار مزدوراں توں احتجاج
ختم کرن گی اپیل کی ہے انہاں نے یقین دوايو ہے جے حکومت نے پہلاں ہی ایک اعلیٰ سطح
کمیٹی تشکیل دتی ہے جہیڑی ان نانہ باضابطہ بنان واسطے ایک روڈ میپ تیار کر چکی ہے
اس معاملہ ور حکومتی بیان واسطے حزب اختلاف بی جے پی ممبراں گا مطالبات گو جواب
دیتا واں وزیر اعلیٰ نے اس معاملہ نانہ حل کرن واسطے انتظامیہ گا عزم گو اعدو کیو۔

STATEHOOD CM

وزیر اعلیٰ عمر عبداللہ نے گزشتہ روز اپنی حکومت غی جموں کشمیر غو ریاستی حیثیت بحال
کرنغا عزم نانہ دوہرایو تے کہیو کہ سیاسی ڈرامہ اس حقیقت نانہ نہیں بدل سکتو قانون ساز
اسمبلی مانہ خطاب کرتا واں انہاں نے دسیو کہ اقل گئی حکومت ریاستی درجہ بحال کرن
واسطے بھر پور کوشش کر رہی ہے جس مانہ کابینہ غی قرار دار تے وزیر اعظ، تیں براہ
راست درکواست شامل ہے حزب اختلاف غی اس تنقید ور کہ حکومت نے اپنو تخصیص بل
مانہ مرکزی زیر انتظام جموں کشمیر غو لفظ استعمال کیو ہے وزیر اعلیٰ نے سماجی میڈیا
ور پھیلائی جان آلی غلط معلومات نانہ مسترد کردتو ہے تے واضح کیو کہ اس بل تیں جموں
کشمیر غی حیثیت مانہ کوئی تبدیلی نی آئے گی۔ اپنی تقریر گا آخر مانہ انہاں نے کہی وکہ جد
توڑی بھارتی پارلیمان ریاستی درجہ بحال نی کرتو جموں کشمیر ایک یو تی ہی رہے گو۔

WEATHER UPDATE

محکمہ موسمیات غے مطابق جموں کشمیر مانہ اج تیں ۲ دنوں توڑی ہلکی تیں درمیانہ درجہ
غی بارش تے بہاڑی علاقوں مانہ برف باری غا امکان ہیں اس دوران مختلف مقامات ور یلو
الرٹ جاری کیو گیو ہے شمالی تے وسطے کشمیر مانہ اج دوپہر تیں رات توڑی نالے ۷۲
مارچ نانہ دوپہر تیں رات توڑی بارش تے برف باری ہوسکے جدکہ ۸۲ مارچ تیں ۳ اپریل
توڑی موسم عام طور ور خشک رہے گو محکمہ موسمیات نے ہدایت فتی ہے جے انتظامیہ غی
طرفوں جاری ٹریفک ایڈوائزری ور عمل کریں۔

DC POONCH

ڈپٹی کمشنر پونچھ وکاس گنڈل نے مختلف محکماں غا افسراں سول سوسائٹی گا نمائینداں تے
مزہبی رہنماواں غے نال ایک میٹنگ منعقد کی تانجے آن آلاں مزہبی تہواراں جسراں کہ شب
قدر نواتری عیدالفطر تے بیساکگی غی ریاہیاں غو جائیزو لیو جاسکے۔
